

頤道堂詩外集

頤道堂詩外集卷三

古今體詩

贈答

西湖贈吳興鮑處士

廷博

博雅吳興客高名重石渠華林頒祕籍海國問新書君以古書最多拜圖書集成之賜所刊巖谷棲神久湖山著知不足齋叢書日本國人購藏之錄初詩情亦幽絕吟到夕陽疎君以夕陽詩得名人稱鮑夕陽

贈石門方處士

薰

籍甚方三拜今之老畫師此心常抱樸餘事亦工詩冰雪消塵夢湖山感鬢絲檀閣高士集應許後人知

烏龍巷訪奚處士

嗣不值

逸興縱橫不可當湖山大好酒人場銷磨意氣天猶忌落
拓襟懷老更狂吾愛六朝褚伯玉人言三絕顧長康煙雲
四壁書千卷極目蒹葭水一方

西湖可莊贈楚南陶參軍李壽

章鴻

青山遠復遠白雲深更深瀟湘一片月照見美人心昨夢
跨黃鶴聞君彈玉琴相思隔煙水把卷一長吟

琅嬛仙館贈青田端木子彝

國瑚

鄭童謬君

槐

相劍數薛燭光彩識中夜相馬推孫陽騏驥試十駕爾君
世英彥文采各英霸胸中學海深筆底詞源瀉同在品題
中各自有聲價一爲青田鶴鸞鳳互高下骨相憐清癯羽
毛資假借一爲碧海鯨滄溟勢凌跨試逐蛟螭翔終作鯢

鵬化琅嬛今龍門丰采韓歐亞百川匯江海羣峯拱嵩華
門牆桃李春池館芰荷夏南州盛人物西園美臺榭談經
必伏鄭論詩亦顏謝不才媿鯁生亦復列幸舍雲亭偶載
酒端居幸多暇授簡梁王閣拙祕鄴侯架請歌鯁首詩許
啖牛心災雲龍願追逐風鶴易驚詫成名賴宏獎修業資
憑藉他年杜拾遺敢忘嚴僕射

贈吳門蔣蔣山

徵君

之子東南彥才華掩六朝神清眞衛玠腹笥亦邊韶珠玉
光宜斂風雲氣莫驕大文經史在著述事中宵

呈朱石君尚書

舊學甘盤仰重名新馳驛騎達神京春風東閣開桃李霖

雨西川洗甲兵一代儒宗爲弟子
九重天語喚先生瀛洲近賜仙家住曉策花驄入禁城

都下寄張處士

鏐

空山種香草海上託青琴知已多歧路相思共此心暮潮江水遠春雨落花深詩寄三千里寥寥聞古音

神羊行贈王懷祖給諫

念孫

重華協帝天地光慶雲紉纓開紫闕丹墀獨立觸邪去一角嶽嶽森神羊貪狼星隕旋頭墜從此八荒靜無事原本忠孝別貞邪始信神羊原識字

已未春君首劾某相國所著廣雅疏證小學極深

鳴鳳行贈洪稚存太史

珠樹啾啾喧百鳥丹鳳一鳴天下曉鳳羽五色輝九苞冠

世鴻文箴大寶詞臣例不應建言忠赤鬱結心煩冤玉闕
萬里矢臣節金鑑千秋報國恩

君上書論時
政移副三司

孤鶴行呈阮侍郎師

縞衣雪羽耽雲壑百鳥羣中見孤鶴要與丹鳳作羽儀矯
首秋心入寥廓加恩羽族羣相招眼前誰解分鸞梟孤鶴
一唳衆喙息依舊青天麗絳霄

公佐司農請停納貲
與某尙書議不合

蒼鷹行贈某侍郎

大野氣肅塵沙黃蒼鷹四翮生風霜立心不肯擊凡鳥要
與天地相低昂豈知大鳥空閒暇其才乃出凡鳥下鳳皇
命爾養修翎素練露縑莫輕卸

西湖第一樓餞孫淵如觀察旋金陵並送入都

滿湖秋影上離筵斜日高樓別緒牽
六代雲山紅葉寺大江煙水白門船
諸軍西北同時捷大吏東南一例賢
莫以循陔忘報國鳳城春暖待朝天

李將軍歌贈浙閩水師總統李西巖軍門

長庚

樓船橫海誰最雄前有孫虎後李龍

孫虎謂黃巖鎮總兵孫全謀海上有此稱

生長海上與海習慣破巨浪乘長風
長風吹海海水立青天半作魚龍色
將軍號令嚴且明艤艫不動旌旗直
海中羣盜多如毛狎視列鎮如兒曹
殺人奪貨白日暗冤魂恨血飛寒濤
將軍善謀復善戰出沒鬼神勢雷電
殺賊親磨大食刀射潮還用天山箭
南風五月夾艇來連檣百丈高崔嵬
仰攻不達戰不勝諸將斂手軍心摧
將軍一怒按劍

起不靖鯨波誓不止親丁三百士三千併作一心共生死
礮火飛騰海波湧帳下材官盡英勇霹靂常教赤手揮風
雲都爲丹心動捷書夜奏 乾清宮 天子曰咨惟汝功
花翎盈尺印如斗統帥五鎮爲元戎西北頻年骨盈野臨
戎誰似將軍者閣上麒麟倚劒看一曲高歌洗兵馬

湖聖米山堂贈家筱初公子

導

玉帳高堂夢通侯萬里行

時尊甫樹齋軍門用兵關中

小園依北郭遠

道賦西征春老花飛幙江空雨洗兵詞場休盪決努力事
功名

武林節院送王椒畦還崑山

君是維摩詰風流見一斑銜杯送涼月燒燭畫春山官閣

梅花放扁舟瘦鶴還吳雲吹漸遠憶子玉峯間

送趙介山殿撰

文楷

李墨莊中翰

鼎元

奉

使冊封琉球國王詩同曼兄作

中山奕葉戴神州永祚瀛壖聖澤優屬國咸尊

大皇

帝世臣原是小諸侯法司奉表來姑米太史占星識女牛

鳳詔遠隨龍節去萬年雨露沐懷柔

爐香滿袖出楓宸卿月光涵大海春

聖代封藩仍舊

典天朝綬遠命儒臣九霄翰墨翔鸞鳳一品衣裳煥蟒

麟共識使星東指處瀛波如鏡不揚塵

漏滴玻璃靜有聲重溟浩蕩一帆輕梅洋東望三千里葉

壁西迴四十更丙午錄參來往路乙辛鍼辨夏冬程湄祠

新敕崇封號定有雙魚拜浪迎

山連南北路千盤萬歲聲中七姓歡吟咏敬書唐歲月
登爭拜漢衣冠綠珠團扇迎仙仗紫帕金簪肅從官莊叔
文章鄴侯度儘教窮海慰瞻觀

駝印高懸受 詔時望塵羅拜舞毬獅已看漢節輝三省
更有唐榮掌七司福祿樹森天使館臙脂花發女君祠憑
將畫日雙彤管題徧扶桑十萬枝

隱隱長蚪臥海涯東藩形勢劃靈沙天橫寶島兼平島地
繞垣花更謝花容蕊曉啼華嶼月梯沾宵放米邨霞不煩
重譯相通款中外于今久一家

毬陽風景問如何護壽千番寫尙多拜月香銷秋有影占

風帆小海無波蕉園雪霽眠烏鳳櫻島潮生上綠螺三使
輜軒遺轍在竹枝重譜太平歌

樓倚停雲覽八埏禮成七宴早言旋 中朝恩大同滄海

天使心清比瑞泉金壓歸裝羞陸賈槎浮秋漢笑張騫柔

祇效順雲帆穩會率陪臣到日邊舒鐵雲注曰墨莊先生

四方士大夫贈詩凡古今體二千餘首繪南臺祖帳圖彙集

部樹培分書比部書甫及半而失明旋卽奄化辛未年余

落第淹留城南旅舍墨莊誣謗余以隸體續書之因得縱

讀諸君之作墨莊問余當以何人詩爲冠余曰必不得已

其陳雲伯乎此余手書此卷諸詩已竟而後知之墨莊撫

臂太息且曰吾今而知不雜作詩之難卽論詩亦復不易

也今墨莊已歸道山追思舊遊恍如昨日讀雲伯

詩振觸交集不勝過橋之感附記於此乙亥夏五

陳鴻壽

誰從海國譜歡斯

詔命徠臣羽節馳

綸綍九天崇

典禮衣冠一品肅威儀小坡風範神仙似少室聲名島嶼知四十年來重遣使天恩中外總無私

巨艦連雲鹿耳排百靈效順掃煙霾浮槎犯斗終疑誕
破浪乘風大可懷金玉城開天有蹟卯辰鍼定地無涯
不教驚起蛟龍蟄彩筆親題鳳字牌

星野分躔屬女牛蜿蜒形勢儼流蚪應潮乍聽天雞唱
薄曉還鞭石鉅遊沙漏滴殘空外月烏風吹見海中樓
祇憑臺閣爲霖手徧灑春膏到十洲

卅六峯雄廿八王揚帆東指近扶桑鶴頭馬齒迎仙仗
虎萃龍岡拱玉章宣詔臺高雲結篆卻金亭古墨流
香遙知率土歸誠處不隔重溟萬里長

呼吸通天說尾閭八埏周覽意何如花濃葉壁飛紅雁
月冷泉崎走綠魚競渡詩翻新樂府停雲客愛舊樓居
荒唐徐福難徵信莫問嬴秦未火書

一代仙才重列卿使星如月照東瀛乞書直下牌金拜
擁簪爭看集女迎五姓語能通漢譯七司官自掌唐榮
藩臣敬侍簪花宴階下三呼萬歲聲

輞軒錄自採風饒筆壓天吳氣敢驕花裏樓臺秋拜月
枕邊風雨夜聞潮星棋屈曲栽烏竹日扇玲瓏寫鳳蕉
最是輕裝塵不染鮫人底事獻冰綃

笠舞花飛敞別筵洋程從此履平平測將綫影從西指
採得螺紋定右旋金鶴兩行隨納費青蜓萬里護歸船

此行自比遊仙樂題徧中華以外天前詩余與曼兄在阮中丞師琅嬛仙館幕府所作中丞爲梓寄廈門兩君載之封舟遠示屬國歲戊辰費西塘侍御奉使還謂人云曾見此詩於球陽行館彼國中稱爲中國二陳云附記

送張子白大令之官甘州

皋蘭山畔黃雲流雲中白月照涼州短衣躍馬此間去落花吹滿西南樓張君張君好懷抱十載浪遊眞草草男兒作達萬里輕才人落拓一官小江南四月芳草多一聲鐵轡吹邊歌黃河西去玉關近美人消息今如何贈君詩酌君酒人生聚散夫何有洗兵雨過秦隴平送君折盡河橋柳紅蘭盡閣長相思迴文夜織流黃機燕支會寄好顏色木葉關山秋雁飛

呈英煦齋司農

瀛海羣仙拜下風，文昌清望更誰同。
絲綸業滿韋平美，著作才推燕許工。
桃李門牆歐永叔，梧桐車馬召康公。
玉堂盛事詞林記，天語雙題日正中。

賜幸翰林院值公掌院事拜賜額二

錫爵名藩道路長，神皋經處近扶桑。
雲迎玉冊騰龍虎，山繞金城翥鳳皇。
江水盟心澄鴨綠，天香攜袖散鵝黃。
至今清節東人頌，驛使年年到上方。

公曾奉冊封朝鮮使

太平事業待和羹，新入樞庭緩佩行人仰。
中台明赤道

帝臨前席問蒼生，綸扉畫草千行詔。
神筆宵籌萬里兵，應是長才多暇日。
退朝仍許直西清。

公兼值軍機處南書房行走

漢家饒吹洽橫汾，從獵長楊最出羣。
玉帳虎牙兼上將，羽

林龍武領親軍紅崖題句銷邊雪青海飛花靖塞雲一曲

弓衣新樂府後堂絲竹幾回聞

公方扈
爾兼領侍衛

梅梁漁父短歌贈李虎觀司馬

秋水碧玉春波綠蕪梅梁一曲伊人所廬峯沉莫旆波連
具區桃花紫鰕蓴絲白魚浮家泛宅天隨之徒請歌招隱
君其漁乎

未遑漁隱姑作宦遊青衫司馬黃陵扁舟江漢東下瀟湘
北流遊女解珮騷人悲秋九疑蒼然可以寫憂政事春陵
文章柳州

故鄉水國亦有漁磯北山之北西湖之西明月萬樹梅花
一溪鴛鴦雙宿鷓鴣自啼水流雲在翠迴路迷此中可懷

吾將歸兮

贈秣陵王春波

院體丹青擅別裁，盛名當日狎鄒枚。
得家山水真奇福，能寫嬋娟是逸才。
二月鶯花喬戚里，六朝金粉趙樓臺。
梁園賓客休重問，山館虛堂半綠苔。

春波曾在秋帆制軍幕府

贈嚴麗生

學滄

才人今不乏，似爾始稱奇。
吐屬風雲氣，蕭閒鸞鳳姿。
殘燈秋說劍，微雨夜譚詩。
海內論交徧，斯人我所思。

遊玉制軍閣林贈絲耕燕山兩公子

白石迴芳徑，銅鋪啓苑門。
午橋裘令墅，甲第謝公墩。
樹密疑無路，花明別有邨。
茫茫人海裏，清絕此名園。

春水一渠活輕冰暖易消雨添青峽瀑柳隱赤欄橋沙淺
鴛鴦穩花深峽蝶驕定知纔滌筆殘墨在芭蕉

西山橫萬疊青到畫闌邊及此重三節來看尺五天春陰
瓊島暗綠樹鳳城圓古意登高寫長風冷七絃

一品平泉石停雲綠蔭堂秋星明劒匣春雨潤琴牀聯舫
低花幔迴樓對苑牆鳳城華月近宮樹晚蒼蒼

一賦思公子臨風玉樹新文章花作骨兄弟璧爲人接翼
如丹鳳前身是石麟西園賓客好名士盡徐陳

簾外天如水焚香讀 賜書克家披萬卷經世惜三餘月
白間庭靜燈紅夜閣虛漏沉河影直詩興更何如

文武傳家學空庭射圃開成行傍榆柳列障破莓苔短草

從禽去長楸走馬回金貂膺上賞知爾不凡才

杜曲連韋曲人知貴主家黃封頒而藥翠匣賜宮花畫戟

雙油幕朱輪七寶車尙書門第好姻眷亦豪華

燕山爲肅親王額駙

節院吳山麓衙齋我舊遊暑因修竹減春爲牡丹畱墨瀋

題吟館書聲出選樓尙憐遲握手軼事話瀛舟

八州仍作督萬里倚長城籌筆天邊疏樓船海上兵宸

衷識韓范世業在韋平努力須年少家聲貴令名

送人之西域

馬蹄青海沒沙痕萬里相思隔玉門只有黃河解流夢昆

侖西去是河源

贈周筠雲上舍

爲漢

卽送之甘州省親

相見太遲別太早人生聚散何草草周郎年少眞人豪未
曾識面先傾倒春風策蹇長安來相逢抵掌懷抱開風雨
奔馳鬼神集落筆往往驚奇才放眼蒼茫此天壤海內才
人心俯仰眼前老輩數楊蓉張船意中健筆推吳蘭蔣蔣
豈意天涯復過君眉間英氣開青雲吳鉤三尺湘管一賞
花爛醉金臺春劒氣如龍筆如虎肯讓前人獨千古千古
何人最癖香文章班馬詩韓杜北風蕭蕭落葉秋千金駿
骨無人收掉頭徑去不肯畱雪花亂落颺子裘甘涼西去
五千里男兒作健輕行李心如寒雁不可羈隨君直渡黃
河水黃河水落寒不波庭闌日近歡心多月明酒醒笛聲
起後夜思君當奈何

送何蘭士太守之官寧夏

瀟瀟寒雨下盧溝
羌隧橫吹起別愁
粉署舊稱何水部
烏絲新譜小涼州
九江士女思遺愛
五馬旌旗鎮上游
自有金城方略在
棠陰好向玉關留

王李循良海內名

謂薛嶠松雲

安西今見使君行
黃榆葉暗峯

峯戍紅柳花飛處處
耕九曲河流都護府
三邊春色受降城
採風我識楊農部
一樣弓衣織句成

謂蓉裳

輓張皋聞太史金朗甫庶常

重華親政初薄海
人才貢太史東南
彥聲華士林頌六經
爲菑畬百家供絃誦
周易虞仲翔漢學許叔重
實錄修堯文羣儒美時棟
畱都篆國璽吉雲爍
寶璽造物生此才

將爲霖雨用嶽嶽淮南門以君作麟鳳豈知龍蛇厄竟兆
兩楹夢吉士家黃海才藻亦殊衆楊柳靈和張梅花廣平
宋賈誼董仲舒漢庭此伯仲應劉竟俱逝臨風發深痛他
年有道碑期向墓門礱

送魏春松觀察之官山左

東魯新持節西曹舊有聲才華歸練達醞釀得和平郡國
聞風采兒童識姓名此行經濟水心蹟與同清

人海繁華地如君淡泊難縉書消短晷結客笑長安野寺
成孤往春花祇獨看祇今蒞官去琴鶴亦清寒

家鄉諸老輩愛我感明公期望真難副文章本未工蛾眉
羞攬鏡猿臂快彎弓又作臨歧別長天送暮鴻

立馬黃河上防秋曉夜臨金隄籌自固竹櫓下宜深順軌
蒼生福安瀾聖主心東南殊可念瓠子動長吟

韓城相國壽讌詩

軒皇重六相重華咨七友古來賢達人乘時佐元后我公
韓城彥閒氣匯川阜太華拔地起黃河落天走緬茲神靈
異蔚哉鍾毓久祕搜鴻寶儲笈啓龍威守韜鈴羅萬甲琅
嬛探二酉蒼足釋蟲魚篆籀辨蝌蚪先帝親策士哀然
稱舉首姓名冠蕊榜星辰燦華綬賈董蔚真儒燕許稱大
手龍虎屢秉節磨鳳紛在藪鄧林採楨榦周雅繼薪蕝武
庫司干城政府綜樞紐心惟忠孝盡學肯生平負聲名徧
華裔渥澤逮童叟盛業銘夔鐘崇勛勒龍首今皇續唐

統老臣重商耆蒼生問前席納約啓天牖懸車引古義揮
手謝端右心原戀闕廷家併乏廬畝復政商陶衡告歸漢
疏受祖道晨設帳驛路宵擁帶元德歲周甲春氣月先丑
安期東海棗君子北山枉仙醴露醺醇宸章雲螭繆品
珍三代古恩被兩朝厚更占闔房福不異姬姑偶葛鮑
羨丹砂劉樊酌春酒同庚甫周八華秩復開九鼎煜弧南
星耿耿天北斗叟筵仍待領萬歲祝天壽

送方二彥和

傳穆

秦中省覲竝寄令弟彥遠

傳馨

風雨瀟瀟暗鳳城樽前玉筵帶離聲露涼金海魚鱗遠秋
老銀河雁背橫渭洛波平堪飲馬嶠函屯撒久銷兵故人
伏枕方多病尙寫青山爲送行

謂古雲

鈴閣風清上將壇重臣節鎮古長安南州門第推王謝西
夏功名重范韓春度玉關千帳曉霜飛青海九邊寒韋平
世有封侯業家學親承獬豸冠謂尊甫葆嚴中丞
惠連才藻更無儔兄弟文章入選樓流覽早經雛鹿塞聲
華應到鳳麟洲春風侍膳衙齋靜夜月聯吟華嶽秋縹緲
秦雲美人影青天高唱古雍州

金臺芳草半斜暉周道倭遲四牡騑殘墨儘教題古驛曉
寒莫遣犯征衣懷人夜雨疎桐滴送客秋風落葉飛一片
黃河東下水君行西上我南歸予亦有南旋之意

宿查春山舅氏寓齋奉陪夜話並贈族兄石琴卽送

旋浙二首

商聲動天地萬竅各怒號擁爐話離悰短燭光搖搖走送
憶客夏折柳盧溝橋同爲失意人塊壘耿不消嗟我尤滯
淫雞肋殊無聊作客倏三載黃塵緇青袍高堂竝早衰所
恃藥餌調持家非健婦不免紅顏凋稚子甚嬌癡蒙養方
待教雁行矧中斷婢稚心所忉予季亦遠行去聽甌江潮
每遇百端集別緒縈中宵君年今五十猶抱瑛瓊瑤苜蓿
詎可飽得之況遙遙人生貴適意豈在名位高畫眉少妾
麗含飴諸孫嬌更拓數楹屋雜植花藥苗西鄰待我卜縛
竹兼誅茅何甥與謝舅日日傾春醪

吾宗諸俊彥各抱湖海姿君尤才磊落英氣生須眉捫腹
出經濟翬翬能言之餘事及筆札書檄工文辭佐幕二十

載奔走猶苦飢短衣與長劍踏徧西南陲事佛意有託豈
爲求慈悲苟觀任非笑結念終不移此行困鞍馬稍覺精
神疲神仙妖妄耳遑遑空求醫上藥貴對症君疾吾能治
心血一身本面目生華滋善養在少用毋妨飽而嬉忿懣
易劇肝憂患亦傷脾不必睥其目祇宜解其頤導和氣自
順主靜心乃怡煙雲任過眼花月宜傾卮我尚未言畢君
已笑不支二豎氣消沮便請從此辭來朝據鞍去四體輕
如飛

送蔣青荃參軍之官浙江

一門羣從總能文肯作微官倍惜君手版隨人成薄宦頭
銜雅自愛參軍聽鶯偶側烏紗帽倚馬猶書白練裘惆悵

見遲成早別春江花月憶吳雲

同心香草惜芳蘭蕭寺題襟墨未乾論古不嫌詩律細談
兵方識將才難春詞綺麗紅絲繡別緒纏綿玉軫彈珍重
曉星殘月夜袂衣莫厭護春寒

錢塘煙柳幾垂絲別後頻緘大意詩溪上閒鷗空有約社
前歸燕恨無期春風絳帳琅嬛館夜雨青山許鄭祠若遇
故人煩問訊天涯迢遞倍相思

小札畱題障碧紗尊前揮手卽天涯無人東閣能延士此
去西湖正落花吳下少年工跌宕鄴侯弟子自風華渺然
羅襪凌波去惜別沉吟到日斜

詩荃畱別余詩有日斜羅
襪凌波去誰識青溪最小

姑之
句

寄孫蓮水金陵並呈淵如觀察

河樓一別總消魂聞道君歸白下門斜日烏啼江令宅青
山花落謝公墩畫船倚醉春畱影官閣題襟夢有痕惆悵
西華殘月夜客懷如水憶黃昏

近來消息訝頻疎恰得江南一紙書寄我新詩託魚雁知
君遊蹟徧淮徐天涯懷舊人難見海內休兵事尙虛更憶
君家豸冠客出山心事問何如

秣陵最是相思地欲往從之願總賒擬拜梅花詞客墓便
尋桃葉美人家藤蕪綠盡飛新燕楊柳黃深噪乳鴉何日
六朝春色裏與君攜手訪棲霞

寄人湘中

蘭氣澹蕭湘明河雁背涼月華全在水秋色半經霜雲雨
荆王夢離騷楚客狂此間休作賦從古盛詞章

送王儕嶠侍御

蘇

出守衛輝四首

頻歲滯燕臺杜門車結轡非爲示激詭聊以假遊息惟有
數正人耿耿在胸臆暗中交有神彼此慕顏色侍御江左
彥雲達厲六翮初爲名翰林文采動江國及晉惠文冠衆
星避寒色相思積歲年士前心所惻豈知君愛我眎我心
更亟盡龕初握手快譚意良得君性素嚴介相馬矜眼力
碌碌視羣廢弗取虛車飾賤子獨何緣意外遭拂拭譽之
或太過感深心轉惑男兒重知己何以酬明德

君爲名御史嶽嶽輝豸繡三年振風紀例滿當外授朝論

重保障選曹注郡守荆河惟豫州衛輝界輻輳十緊兼六
雄地大政易疚前席問蒼生三接日方晝天子重儒術
委任意獨厚讀書期致用豈但工句讀勉茲一身勞毋使
百姓瘦天語簡而賅報稱已難究我思二千石疆理綜
斜袞上官倚心膂屬吏資領袖李鄴白香山唐史褒龔黃漢
書懋古今循吏傳幾人乃克副安得蚩蚩氓盡付公等救
胥吏畏神明婦子呼翁姆召父與杜母古有今則又

此邦好山水勝遊良可懷大伾遠逶迤太行高崔巍清流
旣右縈肥泉亦左迴分支濟漕運衛河從西來靈秀所鍾
毓定復生良材古蹟更非一流覽供徘徊蠹簡汲冢出龍
劍延津埋淇澳竹應長杏園花亦佳邵雍畱行窩孫登餘

嘯臺歐公舊官舍更有畫舫齋公餘修廢墜應亦心顏開
黃河近爲患水決衡家樓虎柳與龜櫝典守將誰尤蒼生
半爲魚豈止數十洲泥沙淤漕河帆檣滯糧艘恆恐誤飛
輓 當宁殷咨諏金隄費不支束手司農籌方待竹木樅
豈止圭璧投此地君所治一一資綢繆今年矧被旱詎鍾
艱豐收拊循頗非易要當精神周逆河或可挽此後須防
秋治河無奇策策在清下遊大吏膺重寄宵旰宸衷憂

都下贈伊墨卿太守

秉綬

幾經盤錯歷諸艱珍重行雲出故山 天意原知廉吏好
交人正望使君還傳來政績懷珠浦話到升沉感玉關曾
憶東華送行日秋風轉眼鬢毛斑

謝蓉裳校定拙集卽用隨園集中謝蔣苕生校定詩

集韻

與君交誼比蘭金
指到南車別有鍼
百鍊剛成纔繞指
九還丹熟要澄心
江山花月留元氣
琴瑟宮商悟正音
同調兩人師一字
茫茫塵海獨長吟

送楊蓮猷大令之官天台

萬疊赤城霞長吟
放早衙仙鬟雙玉女
春色萬桃花我亦
黃山去松陰一路斜
言從雲海裏問訊乞胡麻

贈孫子瀟吉士

原湘

卽送旋里並呈席道華女士

溫嶠何妨第二流

子瀟鄉會試名皆第二佳偶席道華寄詩有溫嶠仍居第二流句故及之

名早已動南州仙家夫婦雙龍鏡
才子文章五鳳樓
織錦

詩成寄京國畫眉筆好賦瀛洲玉堂佳話紅閨夢贏得雙
聲更唱酬

贈汪夢巖吉士

汝弼

禁柳聞鶯綠水春退朝花底擁華紳誰知玉殿簷臺客曾
是沙場醉臥人夢巖屢從軍旅云在苗疆時每前軍夜戰
矢石過帳頂如飛鳥不絕輒偃臥帳中
連營星動五諸侯怒捲瀟湘水北流身是荆南舊從事不
堪重話玉關秋

送桂香東侍郎扈 蹕盛京二首

玉牒才名第一人近依豹尾扈 東巡 橋陵弓劒風雲

護原廟衣冠日月陳故事史官書典禮 本朝家法重尊

親遙知簪筆螭坳立尙有餘哀感侍臣

鳳城佳氣擁黃圖屬國迎
鑾萬歲呼周邑邠岐狩甫草
漢家豐沛社枌榆松花江靜迴雙派木葉山高隱四衢親
見開元三大禮不須懷舊賦東都

灤河行館秋夜懷都門友人

農部古之人才大心轉小川谷蘊靈秀江海納襟抱貽我

九畹蘭同心以爲寶

楊蓉裳農部芳藻

船山大隱流金門偶遊戲放誕文園令嘯傲漆園吏餘事

作詩人筆端劍鋒利

張船山太史問陶

長安多達官伊人無與儔立志希千古愛士橫九州高吟

五言詩明月詩龔秋

法梧門詩讀

太守神仙姿蕭閒出天性書畫陶佳日詩酒減宦興相士

殊矜嚴雙眼朗如鏡

何蘭士太守道生

登高寫遠山閉門索奇句誰知廊廟才而有山林趣一官

冷干水幽絕城東路

馬秋藥光祿履泰

臺諫多名流斯人最突兀風雲寫奇抱冰雪鍊鐵骨孤鳳

時一鳴坐使衆羽歇

王儵嶠侍御蘇

舍人抱奇氣皎皎如鶴立身行萬里路手編一品集醉墨

揮淋漓海氣筆端溼

李璽莊中翰鼎元

白華一庭潔青山四壁供詩屋詩擬陶畫龕畫摹宋閨中

繡佛人秋燈照同夢

朱野雲山人鶴年

吾愛春波子畫筆如美人深心託豪素皎然離風塵氣味

亦似之吐屬含清醇

王春波上舍霖

已未諸名流吾尤愛鮑照豈獨雄文章亦復勵志操所惜

張平子

謂張
舉聞

已應緋衣召

鮑覺生宮
允桂星

吳君美少年落筆聲琳琅書畫列四壁金石羅千箱煌煌

典制詰此才焉可量

吳荷屋太
史榮光

潛心學鈴韜信手拈翰墨結交重意氣斯人不多得家世

國恩重努力述祖德

孫古雲
襲伯均

海內仰隨園尊之若山斗伊人有家學不絕懸河口一卷

奉月詞微吟繼秦柳

袁蘭邨
參軍通

細雨落藤花頭銜署詞客敬熱一瓣香低首拜白石阿連

更聰明讀書又幾尺

楊浣菴蓮
甫兄弟

仙帆名家子翩翩有家法書得平原勁文異仲宣怯一卷

河渠書家世有勳業

何仙帆
上舍湘

少年誰最才之子真精華臨風玉樹枝著露青蓮花太白

橫庚庚君其苗裔耶

李湘芷上
舍元澄

吏部浙中彥高曠山水客秋水澹文品梅花冷詩格灤河

一笑逢新吟定盈尺

錢謝庵
吏部枚

豔福兼清才吾家惟竹士握手燕昭臺送別潞河水扁舟

憶南下應過津門矣

家竹士
秀才基

禮部蕩澹人少年美如玉苦吟何所師昌黎及昌谷近復

工填詞燈影秋屏綠

蔡浣霞禮
部鑾揚

廣文稱冷官君更冷在骨何年飽苜蓿攬鏡感鬢髮肝膽

頗照人皎皎若秋月

查笠亭
廣文

京師諸故人僕四交最久一官不易得風雪天街走君歌
昔昔鹽我擊烏烏缶

漢子耕縣尉士鈐

寒夜懷人詩用灤河秋夜懷人詩體

侍郎天人姿筆端湖海氣麟閣與漁莊朝野一身備詩傳

與文傳爲問開雕未

王述庵司寇

蘇齋老尊宿今日之玉局腹中何所有金石與卷軸得暇

且著書

陵樹幾番綠

翁覃溪鴻臚

錢塘吳祭酒海內老詞伯月明寫賦心梅冷入詩格春酒

壽老親一庭白華白

吳穀人祭酒

中丞撫吾浙彈指今五載山莊賜宴歸恩重責更倍琅

嬛花四壁翦燭夜籌海

阮雲臺中丞

東南多名流朝陽此鳴鳳萬里賜環歸感深心更痛卽今

老江湖猶作玉堂夢

洪稚存編修

胸中崔儵書筆端史籀字玉節領東方重臨舊遊地黃流

多哀鴻此中見經濟

孫淵如觀察

不吹黃樓遂恰泛武彝棹果然李延平皎皎秋月照館閣

諸名手如君少同調

李松雲太守

夫君抱風骨落落頗寡偶能爲名御史定作賢太守若輩

未可恃狂瀾挽隻手

王儕嶠太守

同里諸老輩惟君頗知我臨別語鄭重激厲復許可東望

岱頂雲天風吹一朵

魏春松觀察

斯人矯如鶴吐氣含秋雲文章與政事落落誰與羣羅浮

萬梅花月明猶憶君

伊墨卿太守

天下情一斛君定得八斗愛君纏緜詞讀之不去口兩郎

竝才儻亦復難抗手

汪劍潭司馬

舍人工古文落筆驚蘇韓辛苦作司馬依舊青衫寒乃知

天地間才人不宜官

趙味辛司馬

漱泉古之人蘊藉復淵雅畫筆師龍眠肯爲俗客寫昨過

蒼屏樓無人似君者

程漱泉吉士

吾家翼庵子道君不去口江左已識面日下初握手自與

公瑾交真疑飲醉酒

程竹厂吉士

逢人問姓名金臺初把臂經年風雨心拳拳有真意落日

清江樹思君不能置

潘紅茶吉士

對牀聽春雨兩番記場屋令弟亦才俊楹書盡能讀不媿

謝家樹臨風皎如玉

謝蕉溪吉士
司馬兄弟

騷壇角旗鼓斯人獨嫺雅引商雜流徵曲高和者寡枵腹

抱梅花高臥龍山下

邵夢餘
大令

遠宦萬里外自署窮塞主不寄一紙書兩情自相許迴憶

琅嬛館翦燭聽秋雨

張子白
大令

墨守康成學竟欲稱儒臬注籍稱選人捧檄猶遙遙殘燈

照青氈依舊窮深宵

王驪泉
進士

白眉好才調聲名滿江南種梅繞柴門花中有茆庵詩味

如諫果吾憶郭十三

郭頻伽
秀才

諸侯老賓客高詠紅蓮幕一卷春雨詩才語耐咀嚼漢遊

定懷舊獨上滕王閣

孫蓮水秀才

久不見蘭雪意自謂過之昨從方雪齋讀君香蘇詩情才

兼深情令我長相思

吳蘭雪國博

旂幟森壁壘斯人真吾徒足行萬里路胸貯萬卷書柳水

動春碧梅花香一廬

姚春木上舍

芙初傷心人動輒呼奈何不知造物意賦情何太多我欲

拔長劍爲君斫地歌

劉芙初孝廉

騷壇誰最雄江東此周郎落筆追靈怪豈惜矜琳琅弓衣

捲殘書仗劍歸甘涼

周筠雲上舍

汪氏大小竹海內咸知名文章與詩詞各有萬古情搔首

欲問天此才何爲生

汪竹海竹素兄弟

貌如美婦人才稱大名士左陳十三經右列廿一史我欲

從君譚惜少萬幅紙

蔣蔣山上舍

秀才抱逸氣詩格青蓮儕頻年滯蹤蹟當世誰憐才揚州

二分月照見梅花開

金手山秀才

少年太負氣莫邪虞缺折湖田空自好出處難自決把君

一卷詩春燈照冰雪

吳兼山上舍

隸法師漢人不讓鴻都筆手寫十三經何日始能畢香雪

浸谿水白上梅花月

錢梅溪上舍

廣文本非官呼兒種苜蓿斯人偶遊戲窈窕在空谷明月

照闌干學舍飽秋綠

錢金粟廣文

納貲求一官艱苦乃如此避債本無臺去去何所止偶展

芙蓉圖墨氣滿生紙

錢叔美參軍

名士悅傾城至理詎足怪果然逮所聞我見亦須拜乞寄

本事詩爲君譜佳話

何夢華上舍

才大學亦富叩之未嘗竭扼腕論世事志氣每奮發同作

十日飲飽看灤河月

顧鄭鄉廣文

商周識備彝齊魏辨刀布不作冷官冷甘爲寓公寓種竹

兼養魚何日西谿住

宋芝山廣文

可莊君餞我花落孤山樹別後幾星霜聞君已歸去瀟湘

雲水深夢君向何處

陶季壽鹽尹

玉山有佳客貌如秋鶴雁生枯一枝筆作畫如作書我有

一匹絹待作漁莊圖

王叔畦孝廉

全家寄僧舍北山送朝爽寓公三十年合署西湖長時有

漁父來月下櫓聲響

華秋槎大令

萬里從軍歸秀才作冷官明月入書帷照見苜蓿盤一卷

司馬法夜對秋星看

張晴厓廣文

抱經門下士臧生殊絕倫抱殘守煥學持論殊斷斷置之

服買間居然古之人

臧鏞堂秀才

老薑工苦吟詩境若冰雪三度客廣陵相逢復相別贈我

一聯詩三年字不減

張子貞布衣

庚申同歲生椒堂吾畏友低頭注金石一卷不離手昨見

積古圖儼然開笑口

朱椒堂孝廉

問字淮南門與君初識面蹤蹟殊相同所嗟各貧賤努力

後世名與君作合傳

諸秋士廣文

吾鄉兩書家爽泉乃其一褚薛同歐虞共此一枝筆吾兄行遠宦此外恐無匹

高爽泉上舍

青士抱逸氣風度如神仙粲花發妙論吐咳落九天五字行贈君斗酒詩百篇

許青士孝廉

結交有真意斯人殊足稱吟館懷舊夢翦燭題吳綾營營

止于樊慨然賦青蠅

林小溪上舍

君子玉比德佳士香可薰矧茲八斗才旗鼓張一軍生平

兀傲氣拱手行避君

胡書農孝廉

訂交二十年至今如一轍孝友篤內行何必厲奇節各抱

歲寒意冬心厲冰雪

張賓連茂才

青荃館閣才乃去爲閒曹飽看永嘉山慣聽錢塘潮寄我

一紙書語意殊牢騷

蔣青荃參軍

才人分困阨之子乃最窮厭聽錢塘潮復往東海東伯勞

與飛燕各自隨天風

龔素山秀才

勵行復能文恂恂已殊衆少年惟爾賢此才殊可用令弟

乃更好今日之小宋

方芑堂紫卿兄弟

我媿非何甥君乃是謝舅聯牀談夜深燕臺一樽酒小婦

美如玉莫怯春寒否

舅氏查春山孝廉

元龍湖海士騷壇蜚玉屑貽我一卷詩中有太古雪仗節

指臺海先臣此殉節

家默齋參將

年少初登壇郎君眞英豪脫手生風雲隨身造弓刀春江

花月夜燒燭讀豹韜

家小符襲子

江南好花月我輩應勾畱矧君抱癖好文章兼交遊祇恐

避債臺高於百尺樓

家古華太守

髯也吾宗秀便便矜腹笥低頭語不休說文九千字有人

東國來問訊君知未

家仲魚徵君

事佛非儼梅借此消輪囷才大無所試弄筆仍依人寄我

一紙書論事殊斷斷

家石琴孝廉

思君結夢寐見君託文字論事每不合此心卻無異季方

難爲兄元方難爲弟

家曼生大令

旣已同姓字兼復同出處如何天上雲一別忽如雨春城

飛花詩韓翃應是汝

家黑雲孝廉

同氣本無多前年仲也死晨昏奉高堂承歡惟賴爾三復
鵲鴿詩思君曷能已

舍弟謙谷

送劉雨田大令之官秦中

燈火同羈旅鄉山感歲華送君初作宦老我未還家金海
初生水銅街正賣花餞春兼話別離緒滿天涯

送子秦中去風雲悵各天可能酬壯志應不負華年走馬
牽關柳當門見嶽蓮萬山青不斷直到印牀前

函谷聞雞度黃河立馬看關山今重鎮人物古長安春草
埋雙闕青山冷七盤疲氓兵火後莫厭撫循難

鐵馬金戈地頻年苦戰征山中猶伏莽閫外已休兵壁壘
春前築人家戰後耕連營仍玉帳努力事功名

雪夜懷人詩

夫子奉諱去重來焉可期婦孺盡感泣非直孤寒悲公在
人亦怨公去人乃思始知實政好入人深肝脾哀毀恐滅
性令我長相思

阮夫子揚州

避債萬里外求官計大拙一去何年歸三載魚雁絕骨肉
半無家安心成遠別廉吏之子孫古今乃一轍滇中舊遊
處騎象踏冰雪

錢叔美滇中

南冥各垂翅君先掉頭去送君出春明落日隱高樹海內
眞才難似君殊有數努力方盛年應勿感遲暮飛雪暗巖
嵎長吟忽西顧

嚴麗生蜀中

素山不羈才清狂寄哀怨橐筆二十年八口艱一飯骨肉

曉星散離憂起方寸病鶴鳴益悽寶劍磨逾鈍此才乃不

達青天詎可問

龔素山圖中

一官雖入手萬里仍作客所至困不亨踟蹰天地窄百年

幾兄弟身世異肥瘠名高人所尤才大運斯厄薄宦吾未

成緇塵感落魄

家曼生舟中

觀劉文清公墨蹟感賦二首

清時相業美韋平墨妙流傳寶玉繩別有無窮知己感一

篇皇覽問徐陵

公見遂爲國學詩頌館閣高手見詢家世實無半面之識也

清風亮節重朝端聖主賢臣際遇難一事執林增典重

歐虞書法禁中刊

奉旨命公猶子信芳司馬摹公墨蹟上石

朱太傅挽詞

文昌宮近大羅天梅石心知不計年賀監頭銜署賓客鄰
侯骨相稱神仙韓門望重人爭託宣室言多世不傳我自
於公無夙契也瞻箕斗一潸然

送屠琴陽孝廉旋浙卽效其體

西湖山水甲天下靈秀往往生異才樊榭蕭滄葦浦博純
丁鐵筆尤無儕梁書奚畫竝卓絕海內屈指誰追陪吾家
大謝

曼生

頗兼擅到處不讓前人佳一官落拓去東海漸恐

顏色生塵埃斯人秀骨出天表聲華久已馳江淮三載聞
名未得見碧雲日暮心徘徊今年把臂鳳城陌相逢一笑
心顏開雲繪園中夜開讌燭花紅照芙蓉鼎深譚祇厭玉
漏短統統官鼓嚴城催新詩許我百回讀規模韓杜師歐

梅春官被放不得意投筆浩然歸去來我亦春明久飄落
毛羽日漸嗟摧頽知己相逢復相惜低頭那不隨鴛鴦名
山絕業君自保劍光肯使浮雲埋芳草連天送君去落花
吹滿黃金臺

贈人

黃雲春色斷祁連厯盡三邊更九邊帳部看花畱舊夢弓
衣織句唱新篇讀騷飲酒悲名士躍馬呼鷹惜少年曾向
燕支山下住娥娥紅玉總嬋娟

檢張子白舊詩有懷浣薌

最憶蘆溝折柳行別來殘墨在吳綾酒泉郡遠醉姚馥飯
顙山高瘦杜陵青海呼鷹千帳雪黃河躍馬四蹄冰綠知

兩地燕臺夢半畝飛花憶紫藤

理藩院尙書三省經略額公輓詩

慣領偏師出玉關安西老將許隨肩

屢從海公用兵

伏波遠到重

溟外飲馬親臨弱水邊斛律威名新宿衛臨淮節度舊戎旃積勞容易銷精力身在軍中幾歲年

青犢漫山勢橫行十年秉鉞寄專征徑從閭道提金鼓終挽天河洗甲兵祇有軍容比功烈

參贊德侯

須知將略本忠貞

卽今三省流亡復春雨平疇戰後耕

中台夜隕將星寒丹旄淒涼感百端畫省威儀瞻屬國牙旗部曲憶軍壇史宥有傳褒英衛方略何人繼范韓一事九原差瞑目經年烽火報平安

飾終令典更無儔麟閣眞堪第一流弱息膺封猶襁褓先
臣遺壟念松楸祠堂專祀功原大醊奠親臨諡更周 帝
眷勞臣恩禮篤諸君好奉赤心酬

午橋姪鴻下第出都詩以送之

吾宗多隱德積久理必發雲翮雖共退霜蹄豈終蹶虛聲
吾太過顛憤天所罰辛苦求一官見人語先訥飛騰豈不
好攬鏡感元髮捧檄思娛親求人免持鉢汝才殊不羣文
章甚宏達修德兼讀書庶幾興也勃

讀書夫如何治經實根本辟若九施土農夫事闢墾由博
乃能約下帷貴勤懇慎弗徇浮華歧途不知返歲月忽若
馳力學未爲晚汝才邁小謝吾年慚大阮所言良非誣閱

歷出淹蹇試觀史傳中儒林勝文苑

送李滄雲京兆乞病歸虞山

祖帳何勞說二疏歸帆安穩一船書
重開江左新耆社最憶承明舊直廬
待漏定知仍戀闕養痾豈敢說懸車
從今更領湖山福行藥看花樂有餘

贈韓旭亭並題西山紀遊詩卷

玉河楊柳鳳城鐘如織車輪宦興濃
爭似聯鑣看山好馬前青落萬芙蓉

玉皇頂上俯羣巒曾上天門十八盤
惟有西山鎮相負登樓祇許卷簾看

鯉庭才子領三州此去瀟湘作勝遊
範水模山一枝筆題

詩先上岳陽樓

令子桂船比部新拜
觀察岳常澧之命

將出都門畱別法梧門學士卽題其四十九歲像

騷壇海內今誰匹自賞麒麟第一功東觀文章推老輩西

涯煙水屬明公兩行畫燭修宮史十輩鈔胥寫國風彌勒

同龕應更戀唐賢心蹟本相同

君奉詔修宮史並輯八
旗詩卽熙朝雅頌也

長安冠蓋任紛紛刻意憐才讓此人愛惜殘編心不死吹

噓寒士口如春三千里別江山遠七百家詩著錄新五載

春明重迴首添毫當日見傳神

君輯國朝人詩
已得七百餘家

輓家秋堂

豫鍾

君是孤山樹幽林凋一枝煙雲人共散冰雪世誰知東郭
開樽暮西冷畫壁遲無因采秋菊薦汝水仙祠

贈阮公子小雲

長生

不見阮公子回頭今六年詩名趙承祐書法柳誠懸經舍
懷朋舊文樓富簡編師門有家學勤問鯉庭前

答王柳邨

豫

見寄之作卽用原韻

壯志無可託聊爲吳會吟人言抱仙骨吾自澹禪心京峴
遠非遠曲江深復深多君能錄古所得是唐音
翠屏洲上客愛作滄浪吟流水澹詩品古琴明道心天高
白露下海遠碧雲深徑欲刺舟去一聆騷雅音

贈鈕匪石

樹玉

莫釐峯下客嘉定有淵源小學傳朱育新詩到許渾人如
修竹瘦名是布衣尊記取相逢處花朝酌酒尊

君受業後
竹打宮簷

吟風閣懷楊笠湖先生

銷魂絲竹感中年儘有閒愁付矮箋花影世傳張子野并
華人唱柳屯田三生夢寐聞箏後一曲蒼涼罷酒前畱得
當時高閣在蘭陵春雨草如煙

雙蓮寺贈左杏莊大令

輔

不信雙蓮寺眞成五柳居百年循吏傳經歲故人書民望
思劉寵名場感應璩蓉湖最相憶七子舊黃初

題師荔扉大令

範金華集

一卷金華集風塵惜此才長吟惟對酒多病獨登臺骨肉
行將盡浮沉更可哀碧雞天萬里何日賦歸來

五月七日寶應道中黃河一章贈劉星槎水部

台斗

黃河發崑崙神禹導積石浩浩走東海千里一曲直來會
枝水衆并渠千七百各挾泥沙趨一黃不復白五都殷屢
遷八流齊盡塞隄防互委輸禍基始七國潮自周王時河
始徙南礫沿秦及西漢橫流屢潰溢將軍負薪竹天子沉
玉璧至今瓠子歌買讓無奇策唐警博棣患宋紀澶滑決
六塔與二股彌復失禹蹟入淮始明昌北清流未絕會通
至成元二瀆遂成一前代用利漕始自平江伯濤口二水
合厥勢貴相敵黃強淮易弱倒灌勢孔亟石水六斗泥所
過亘沙脊雲關入海處激盪恃潮汐積久亦漸淤堂皇阻
門闕前明潘尙書刷沙資水力六策見經濟功效徵沈滌
國朝鄧文襄治河膺特勅疏濬兼隄防終使壅者闢

吾宗老輩賢廣思集羣益

文襄治河用家天
一先生策爲多

其利及百年

功名在竹帛後來浚船廢日見流沙積海口勢漸高不計
尺與尺譬若哽咽喉因之病胸膈上流亦同患建瓴肆冲
激遂令長淮水一湖閉洪澤淮揚甚可念澤流在肘腋保
障恃高堰卑薄增陶甓 聖主做堯咨宵旰軫飢溺 清
問月二三內帑歲千億畫吏盡賢達同心資肇畫謂君學
問優商榷請前席君本冬官曹水土與有責三議切近今
洞若矢破的蒙也菰蘆土荒昧寡學殖雖讀河渠書足蹟
未能歷落日渡大河驚濤動魂魄頗切東南憂其魚雁朝
夕與君同苔岑舊遊記夙昔前議再三誦仍未杞憂釋聞
有北潮河近在海州側其寬足以容其下足以洩不然達

龍苴海口更空闊或云醜二渠經流便疏剔此策如竟行
能否婉禹績應有萬全算幸以祛矇惑東望雲臺山海上
一峯碧

呈梅庵制府

靈鳳衆羽附滄海羣流歸我公今四岳佐治光垂衣雲錦
爛五色手織星辰機所照若晨旭萬物揚光輝又若膏雨
潤百卉滋芳菲玉節鎮南土求治殷調飢方寸岷山源溉
此三江黎心苦萬物甘身瘠百姓肥

餘事還作詩談笑摘天才脫手李杜出放筆韓歐來元氣
納襟抱河山攬八垓長吟動天漢仙風御蓬萊至性彌復
深鵲鶴感孔懷曾讀集中詩池草心徘徊 熙朝雅頌集

一代元音開願熟一瓣香再拜梅庵梅

浩浩江淮河交流作衣帶公來統治之不在封域外河流
近阻塞頗爲漕運害宵旰 堯咨於公砥柱賴治漕先
治河利在通其隘治河先治委利在疏其派雲關卽迎河
積沙成淺瀨賈讓與韋丹公才較之大玉璧箕龍淵從此
無緯繆爲公賦黃樓榮光燭靈在

袁江寓齋聽雨有懷素山閣中竝答見寄之作

故人消息竟何如苦憶西冷舊酒壚跌宕才名張子晉高
華詩格李君虞故鄉梅樹應長好隔歲魚書已到無愁絕
天涯人日近依然海上客星孤

原作

龔凝祚

素山

離恨偏遲一面償七年多少事滄桑君真虎氣騰方上
我聽猿啼感倍長橫槩手閒徒老大補牢心急費商量
無端浪策燕臺駿衰草荒原又夕陽

犀泉四月中自皖寓余書八月杪始至而犀泉至已
兩月矣書此一笑

居然錦字未成灰爲爾煙江幾泝洄春信到從秋燕後遠
書仍共故人開因看別緒和愁疊轉憶輕帆帶雨來話到
種榆仙館客戟門銀鑰鎖蒼苔

來書有寄懷詩兼及曼兄兄近在節院故云

送孫虞尊奉太夫人歸錢塘

正落淮南葉秋風水又波高堂慎眠食行子慣江河暮雨
暗帆影曉煙聞棹歌到家煩寄語客鬢未婆娑

繆八司馬宅觀劇

冰荷紅影上簾鉤，香滿瞿喻散不收。
楚舞一雙花綽約，吳妝十五玉溫柔。
故人舊夢芙蓉館，客子新涼蠟螭樓。
忽聽飛鴻心宛結，黃河東下正防秋。

聞趙霞甫南來訪之則已渡河而北矣賦此奉寄

離亭楊柳送微波，意外逢君一棹過。
公子才名如白日，故人蹤跡亦黃河。

別來季重應無恙，

謂梅梁

欲爲安仁喚奈何。

君新有騎省之戚

但到京華定相值，堂前歸騎解明駝。

尊甫謙士司馬秋彌

扈蹕計程常亦旋都故云

送顧蘭塘入都

春風送別梁溪酒，秋雨相逢潞水船。
終買年華人似玉，班

楊詞賦筆如椽因君寂寞遊梁日憶我漂零入洛年奏罷
長楊幸相寄津門雲樹碧于煙

尚塘將獻賦天津

不得素山消息

燕支嶺外柳如絲又報楓亭熟荔枝滿地月明蟲響急水
漠花下寄相思

伊墨卿太守招同陶山曼生集春水舍

簾影薄于羅虛堂殘暑過圖經消白日樽酒論黃河秋樹
葉初落清淮水又波西風送帆影別緒黯如何

墨卿旋揚州陶山旋

州海

聽沈敘軒司馬話泰山傲來峯下觀瀑布之勝

我昔登泰山縱覽齊州煙左漱玉女池右酌飛鸞泉珍珠

水簾尺幅耳惜無百丈銀河懸沈侯澹蕩人雲海開心胸
語我奇觀有飛瀑乃在岱陽之側傲來峯竹林寺前春影
碧白龍池上草芽白飛流界道馬不前赤足攀衣踏澗石
西來匹練垂單椒石梁一曲橫山腰天紳倒捲水花碎如
煙如霧如冰綃不知匡廬雁蕩復何似但覺眼光霍霍心
魂搖卽今圖中境彷彿餘聲尙走錢塘潮我聞君言恍然
悟山亦如人有遭遇石闕高里盡踏徧屐齒仍陷未經處
黃花古棧舊行路明星夜挂秦時樹東望天門海霞曙來
朝散髮從君去

袁江遇陳白雲大令

賦

作吏如君好知非俗吏爲農桑談有味書籍鎮相隨行儉

知風美能貧是我師九華山色好得暇亦題詩

十月朔日招同左杏莊

輔

吳古茨

階

小集金雁齋寓

舍有懷

北左南周

光鄰

一樣才皖江賢吏世爭推南周近自秋前去

北左遠從河上來冒雨開憐花氣澹驚弓飛覺雁聲哀滿

庭落葉增騷屑且盡當筵濁酒杯

皖中循吏向推兩君有南周北左之目左官合

肥在江北周官貴池在江南也

十年交徧蘭陵彥宦海茫茫又遇君一葉秋移淮浦雨萬

峯愁鎖皖山雲弟兄文藻紅棠冷兒女才名翠管分更憶

芙蓉湖上客滿天涼月白紛紛

開蓉裳

輓楊蓮趺大令

輪

竝唁予山

記得梁溪別君行我亦行青山歸一夢白石斷三生落日
鄰家遂西風酒座箏可憐河上水嗚咽作離聲

不入天台路遊仙夢竟虛湖山猶子淚風雨故人書澹墨
銷花葉殘香冷蠹魚金箱真本在珍重問何如

金箱舊說
君將梓於

浙中稿本
不知在否

答朱午山別駕約雲梯關禹廟探梅之作

羽檄河干日夜催紅羅新報一枝開湖州司馬多情甚折
付雲關驛騎來

別駕折梅
見贈故云

芳詠眞如羯鼓催春光聞道九分開已教長鬣送詩去還
遣小蠻攜酒來

花朝禹廟觀梅酬午山

絳雪亭前一樹梅東風吹上禹王臺佳晨不放堂堂去酒
客相邀得得來河上繁香新漲急海邊疎影暗潮迴春光
較晚應非晚畢竟百花頭上開

袁江寓齋與犀泉夜話

雲梯關下禹王臺聽水聽風小住來襟上酒痕滄海月篋
中花片鈿湖梅燈昏夜雨連宵聽雲擁春潮薄暮迴太息
黃河東下水卽今誰是賈生才

答沈敘軒司馬山左見懷之作

袁江離夢易銷魂別袂淋漓舊酒痕百帙新詩蘇學士數
莖墨竹趙王孫珠泉水合畱花影銀鑰香殘憶戟門憐我
勞勞滄海上暮雲新月又黃昏

過崑山懷王椒畦

昔年識君處官閣盡春山一別琅嬛去高風不可攀流雲
秋郭遠殘月草堂閒清夢不知處玉峯尋玉顏

寄琴川諸故人

琴河流水學羅袈一櫂迴波手易分此地湖山原有數故
人才藻總能文高樓客散春殘雨水閣燈涼日暮雲回首
舊遊天樣遠月明滄海白紛紛

蕊宮花史溯靈修一樣天人第一流縹緲遠峯仙子夢離
騷香草美人愁玉臺微雨重簾暗紈扇西風小苑秋翦取
吳淞寄何處海虞山下有紅樓

贈畫師周采巖

家住橫塘綠水春，薜蘿門巷自安貧。
愛從畫院摹團扇，閒讀離騷寫雅神。
紅袖閒情唐伯虎，青山高臥李公麟。
一樽閒話西窗雨，同是琅嬛刻燭人。

過彭甘亭小謨觴館

弁山轉，寒碧塢水動春綠。故人未出門，草堂坐修竹。
堂中何所有，面面書城築。謨觴志山經，琳琅充積軸。
茂先遊琅嬛，龍威祕林屋。君書乃更富，貯此便便腹。
君學吾未窺，君文吾盡讀。駢體尤工，額古神逾肅。
當世此道明，夜行得炳燭。老輩洪太史，雅存巨筆追曹陸。
農部楊蓉裳與祭酒，吳穀分道雲龍逐。茂苑吳韻皋，慈鶴臨川樂元淑。
鈞海昌查伯葵，葵華亭姚春木。椿方生，次回馳白駒周郎，翁雲渺黃鶴此體竝。

入古交衢合車輻就中尤數君定論在七錄上擷騷選腴
下掩齊梁俗今日之相如斯言吾所服韻舉憶昨懸榻待
停雲遠高躅合并既有緣良友亦須福涉海親風濤勞生
感行役君去挂吳帆官梅正含馥

正月四日過彭甘亭小謨觴館

春水淒江碧漸滋文章如爾亦吾師千秋絕業傳蕭選一
代風騷薄楚詞幾度相逢梅樹老舊時行蹟馬蹄知草堂
人日行將近更寄高三十五詩謂犀泉

吳門人日同里諸子小集有懷家曼揚州

小苑寒梅動暗香雪中冠蓋聚吳閭共憐佳日爲人日更
喜他鄉似故鄉宦海何人濟舟楫時以金山寺案大吏將被議洪河未

復阻帆檣

荷花塘未合龍
有阻檣艘之患

知君籌筆焦勞甚何日同歸舊

草堂

八日梅花下有懷高大犀泉

草堂人日句堪尋詩爲高三十五吟東閣殘樽應酌玉西
湖歸舫定攜琴暗香疎影幽人夢綠萼紅羅靜女心更祝
春波放船早重來與爾醉花陰

那繹堂侍郎奉

命治河寄呈四律兼寄曼兄

記昔銅龍第青袍拜月墀文憐韓愈拙貧念杜陵飢瀚海
書來遠觚稜夢到遲玉河苑牆水流不盡相思

萬馬肅邊聲安西久息兵別開都護府新築受降城青海
閒羌遂金箱靖漠營令公韜略在家世有威名

泊河新駐節籌海昔登壇福力能消劫忠忱定挽瀾觀書
資賈讓樹績逸韋丹從此金隄固秋風立馬看

才略元方美艱難已備嘗萬言籌保障三策佐宣防沙岸
春潮蝕雲關夜雨涼當年亦從事北望意蒼茫

贈林遠峯 銘

子羽高風在風流衆所師不圖滄海上又見此君詩知已
酬心血浮生感鬢絲長吟過淞水潮落暮天遲

百篇親寄我遠自上洋來飄泊中年感銷沉老輩哀海雲
生浩蕩江月照徘徊莫問揚州事梅花久不開

書中言在
墨卿處讀
余詩故
及之

送齊北瀛太史費西塘給諫奉

使冊封琉球詩 并序

皇帝御宇之十有三年玉燭陽明璣鏡朗曜日月出入偏
安鶉居裨瀛內外咸樂穀飲南彼鑄銅之區北輝
銜燭之門東界櫛木之津西連若英之域莫不順
天綱飫地螯延喜奉贄昭華受祉合嬰瓊而入玃
陳叢幣以來會惟時琉球世子臣某遵 朝例遣
陪臣奉表請封 聖天子懷柔遠藩錫之典寶爰
簡儒碩用將 朝命於是太史齊北瀛先生銜
命以行給諫費西塘先生副焉太史蘭典受書芝
檢作頌偉蓬瀛之文藻蘊山海之靈秀給諫學綜
五際才貫九能內直樞密之地外嫺軍旅之務竝

膺世華望爲國瓌寶挹爐香而聯襪承龍節而接
武於以揚恩命宣德意金冊緝綬布九重
柔遠之化白狼槃木慰萬里歸義之慕國之華
也臣之職也太史閩人給諫浙人也銜其山川言
尋釣遊之地拾其香草用展桑梓之敬昔翁叔守
會稽而父老視綬長卿諭巴蜀而亭吏負弩以今
視昔有其過之矧太史庭闈有具慶之喜高堂有
重慈之壽其行也既定省因便其歸也特休沐

賜暇俾介眉壽膺燕喜尤朝廷曠典臣子榮遇
矣昔歲在庚申修撰趙君中翰李君奉使冊封
琉球世孫尙溫道出武林述與族兄曼生同在阮

頤道堂詩外集卷三

三

中丞琅嬛仙館承命賦詩中丞爲梓寄廈門兩君
載之封舟遠示屬國白太傅之詩集遠播雞林溫
子昇之文章流傳土谷才遜古賢遇優曩哲今太
史給諫之出都也東京祖道賦小雅者六卿南國
人倫拜皇華之五善鉛槧百軸珠璣萬言校之兩
君抑又盛矣猶復采及藟菲索我卮言不耨樗昧
竝爲墜引咸屬徵實之語無取溢美之作若夫瀚
歎斯渴刺之系紀梅洋葉壁之程考唐榮漢譯之
典覽星祺華嶼之勝採之軒輜形之歌詠他日者
同歸八月之槎共鐫一品之集並不敏更將援筆
而序之

瀛海安瀾日懷柔被八埏 聖皇千萬壽嘉慶十三年屬
國金鵝貢 天書紫鳳宣二臣銜 命出開闢五雲邊
太史文章伯聲華重玉堂才應涵渤海家亦近扶桑雲幔
聞天樂仙霞擁壽觴慈顏應有喜歲月 國恩長

給事邦之彥東南大雅才直廬簪筆去西嶽挂弓回綫路
紅螺穩鉞程翠羽開鳳池舊遊處雲氣接蓬萊
昔在琅嬛館相逢兩使星詩吟暮雲碧寄遠天青籌筆
人重至封藩節又經仙槎指歸路東望極滄溟

琴河贈畫史畢小癡

琛

不須辛苦學倪迂自有高名重尙湖畫院丹青劉待詔清
時人物禹鴻臚草堂靜夜吟華月花史芳年寫蕊珠我有

鷗波頰點筆萬重花海十眉圖

八月十四夜蕉園方伯招同家曼箴白堂公讌

樂府新翻相府蓮使君五十未華顛偶從東閣開文讌不
向南衙啓壽筵謝傳家風原富貴鄴侯骨相是神仙舉杯
欲向青天酹鄉月當頭分外圓

濟世眞如萬斛舟政成歌歎自優遊琴尊觴詠華燈夜花
月江山畫戟秋小部梨園眞灑落一時蓮幕儘風流遂聲
吹出南飛鶴應向仙山進一籌

白紵歌終細雨涼月明燕寢罷焚香自憐賈誼虛前席竟
許彭宣到後堂豈有文章齊二陸敢將聲價壓三張十年
人海浮沈處一曲鈞天夢未忘

愛才家法溯文端四督江南士女歡兩戒江河作湯沐六

朝山水間吟壇風迴玉樹春長好花擁金盤露未乾一樣

門牆桃李樹吟詩祇覺遜袁安

方伯爲相國文端公子袁安謂隨園

重九日蕉園方伯招同張船山太守屠琴鳴大令本

空鐵舟兩方外竝幕府諸子雅集箴白堂

已上高樓望玉京

方伯先至彌羅閣登高

更開仙館會羣英燈前酒

味參禪味花裏琴聲佇雨聲東閣才人詞賦盛西園雅集

畫圖成

是日方伯船山椒畦琴鷗鐵舟馬丹崖查兩塘梅鷗皆作畫

主人別有勤民意

愛說三冬

遇戊晴

農諺重陽戊遇一冬晴是日戊寅

十四夜蕉園方伯招同箴白堂雅集有懷船山揚州

九華燈影照參差苦勸深杯未許辭金戟香凝環畫壁玉

簫風細和琴絲梅花東閣騷人意明月西園公讌詩恰憶
靈和張散騎綠楊城郭暮帆遲

送楊良淵節鎮入覲

春滿江南細柳煙將軍玉節去朝天正逢滄海安瀾日
恰憶吳淞話雨年金劒霜寒騰虎氣銅沙潮落蝕蛟涎
至尊若問籌邊策橫海旌旗下瀨船

桂香東侍郎典試江南賦此奉寄

侍郎玉牒重天潢筦鑰儲胥領尙方舊侍東朝端學術新
從南國典文章江河地勝人才出牛女天文列宿張玉尺
量才等閒事春宵曾詠聚星堂

爐香滿袖下天衢鎖院風清朗玉壺經世文章誰賈董主

司風雅卽歐蘇珊瑚鐵網宜珍惜麟鳳中原定有無莫忘
絲綸清切地勤求元愷佐唐虞

重華親政記臨軒太史占星動紫垣親見大名題雁塔重
看華望啓龍門宮槐御柳迴仙輿玉佩金魚出 禁園同
向琅嬛依絳帳十年前事最銜恩

黃塵烏帽客京華憔悴青衫餞落花久已名場嗟閱世更
從宦海感浮家江城侍膳春風早吟館題襟夜月賒何日
故人開府出東南風俗挽浮夸

桂侍郎因南漕多阻來詢北直水利因讀潞水客譚
書此奉寄

侍郎爲國紆籌策潞水殷勤詢客譚但使慨田徧西北不

憂轉漕滯東南桑鵬經注遺編在沽淀源流故老諳我亦
郵書論海運幾時三策共君探

八月十六日過蔣園訪丁小鶴

名園秋色問如何斜日林亭散髮過叢桂作花香在遠殘
荷畱葉水微波勘書勝地耽林壑論史高懷託嘯歌同在
中年思述作千秋畢竟此中多

送鐵雲入都

別緒如煙暗柳條題襟人去燭初銷詩傳北地三千首人
在東吳四百橋鑿空遠同張博望從軍曾事霍嫖姚才人
一第尋常事應有經綸答 聖朝

除夕懷人詩

仍領將軍細柳營一條冰上憶前生遙知玉帳推半夜銀

燭宮花夢禁城

鐵梅庵宮保近以學士銜任伊犁都統

閨苑飛來舊謫仙玉堂歸臥近三年鳳城殘雪龍樓月注

到唐書第幾編

阮雲臺中丞師近官侍講總校唐文

桓寬鹽鐵談何易李牧軍租算最難此際勞臣太辛苦蕭

蕭風雪滿河干

徐心如河帥以三壩決口鑄職畱辦河務

白帝城邊征雁飛青城山下月如眉者番詩卷定逋峭添

得秦關蜀道詩

楊蓉裳農部近自秦入蜀

關山歲晚作羈客憶爾扁舟河上行畱取故園花一樹不

須惆悵客中情

龔素山內兄屬意小婢釀鬢因戲及之

鳳城別後琴河別又向姑蘇臺畔逢若寫江南仙吏集年

來我欲洗纖穠

查梅史大令欲選江南仙吏集以余爲首媿不克當

王郎斫地歌莫哀磊落抑塞眞奇才一篇海運待君定山

中抗手遲歸來

王仲瞿孝廉時客河上

東海經生西邸彥金樓文集玉臺詩十日不見百回憶雪

滿小窗枯樹枝

蕭樊邨明經方歸婁東

王粲漂零張儉老舊家公子最憐君桃花潭水深如許江

北江南日暮雲

錢叔美客六合汪紫珊太守家久不得消息

兩地相思已寂寥吳門花月廣陵潮如何聽鼓應官夜又

把殘樽話六朝

家曼生試吏金陵眷屬聞寓邗上

鐵雲歸自都門招集桂葉書堂夜話卽送之越

素衣淄盡帝京塵歸棹江南二月春握手已成經歲別無

家難作故鄉人消魂白紵悲歌託落魄青衫涕淚新且向
雲門看山色近遊容易養衰親

新正五日雪後峭寒有懷曼兄金陵

去歲春燈吳苑樹今年殘雪秣陵城更聞眷屬揚州住也
未煙波畫舫迎香到梅花芳訊近雪消春水暮潮生碧天
紅日登樓處一雁橫江又晚晴

辛未三月二十五日曼兄將之官溧陽同人餞之山

塘湖樓得詩二首次首兼示犀泉

樓前芳樹倦啼鴉簾外山光入斷霞客有別懷兼中酒春
移畫舫當浮家綠波一夜生新水微雨江南又落花驛路
未遙消息近浮蹤何必感天涯

燕支湖上雨瀟瀟
瀨女祠前早晚潮
官有清聲民氣靜
地多古蹟客心驕
人憐舊雨煩魚素
到及春深問麥苗
試訪城南彈雲石
苔花殘綠可曾消

族弟雲伯下第南歸
道出吳門過訪話舊
詩以慰之
卽送越中省覲

青衫憔悴餞餘春
遠道歸來事苦辛
久別君應憐夢寐
當

年我亦悔風塵
騷壇雲散懷諸子
謂蓉裳船山諸君
經國心勞憶

故人
桂冬庵侍郎以頻年漕運艱阻畱意北直水利
送子南歸觀堂上
重來更盡

酒如澗

輓桂香東侍郎

太息昇平事中朝
失此人規模原卓犖
意氣亦輪囷門戶

何勞計經綸惜未伸幾番殘墨在檢點獨愴神

十載銅街住雲園屢餞秋帝恩隆玉牒人望屬金甌制

誥張燕國神仙李鄴侯應劉久雲散飛蓋憶清遊

偶讀桑經注因詢潞水譚屯田議西北轉漕慮東南曾亦

三江棹言停五嶺驂如何白太傅海上啓仙龕

清切樞廷地天心屬九齡蕭曹無事業箕尾有精靈碧

海沉卿月青天隕使星桂林雲似翳風雨泣冥冥

老將一首送楊節鎮乞病還閩

五載樓船臥鐵衣十年江表壯軍威高臺烽靜中軍壘海
國春迴上將旗魏闕疏陳歸計穩吳淞潮落暮帆飛孫盧
已死滄溟靜乞得君恩謝病歸

吳淞浦茂才翔春字鶴天年七十餘所居在南郭一
里許有梅數十本號曰梅花邨余攝篆半載未及
過訪近來吳門索作梅花邨詩因書二絕贈之
羅浮峯下香難覓鄧尉山前雪易殘爭似淞南老居士自
家種樹自家看

當年未訪林逋宅今日重吟魏野詩我亦西溪舊漁隱萬
梅花近水仙祠

四月七日李研香招看牡丹

古寺鄰牆指法華春風聯騎踏平沙君家原有清平調我
輩來看富貴花香重瑤臺低曉露豔酣仙館鞦韆霞夢中
彩筆當年事重與題詩障碧紗

四座斜飛金叵羅匆匆良會奈情何誰修花史唐天寶我
憶蘭亭晉永和儘有檀槽響春雨惜無翠袖轉橫波憑將

玉樹瓊枝譜翻作雲衣一曲歌

是日聽俞秋圃彈
玉樹後庭花曲

傾袖天香與國香遲開畢竟是花王千枝豔奪羣芳譜五
色圍成畫錦堂流影頗宜環鏡檻夢華最好臥書牀生平

各有看花福我住河陽君洛陽

邑有綽楔曰花滿河
陽君所居名小洛陽

舍南舍北兩名園處處繁枝傍小軒款客每移花下榻延
芳頻叩竹間門葭莖我有前緣在華萼君真古誼敦來歲
更期金谷飲迷津莫似武陵源

是日並至大阮厚田因
之和庵園林看花故云

過吾園贈李筍香

淥水迴芳嶼紅闌影畫橋桐陰前夜雨松韻午時潮殘墨

頤道堂詩外集卷三

三

書團扇微波感玉簫碧雲遲日暮閒煞木蘭橈

東屯少陵屋西蜀子雲居結伴可招隱得閒宜著書長吟
邀舞鶴點筆數行魚面面臨流好樊川水榭虛

竹外亂紅浮種桃成一洲林間新綠徑花外小紅樓芳樹
畱春色殘英動客愁凭闌吟落日乳燕在簾鉤

主人能好事佳客亦頻來岸幘攤詩卷題襟付酒杯評花
開小閣酌月上高臺春雪新編在題詩寄別裁

荀香刊投
贈諸作爲

春雪集

贈遊擊將軍雲

天彪

有懷河上舊事

昔年同話河塽雨今日重停海上雲感舊共思羊太傅

謂鐵

梅庵宮保

懷人先問謝將軍餞春酒琰邀同醉靜夜鐘聲證我

聞君自鳴鐘見貽

君向粵王臺呼去秋天鴻雁感離羣

君將改官百粵

贈陳鍾溪學使兼寄石士太史都下

舊從日下推宗袞新向雲間駐使車
話舊偶然逢宦海論文難得是天涯
銅魚符節旋諸將金爵觚稜夢九華
有客春明定相憶竹林閒看鳳城花

湯點三縣尉轉餉入都

江雨暗江樓江潮日夜流
邊淮吹落葉併作客心愁
君此衝寒去京華我舊遊
爲言河上路鴻雁滿汀洲

蕉園方伯備兵徐州書寄

聞道防邊去彭城國上遊
星環九節度雲合五諸侯
地遠輸軍實天寒覆大裘
滑臺南北險戮力借前籌

送林遠峯之彰德

老作諸侯客飄零惜此才中州尋野史鄴下訪遺臺鴻雁
征人感關山晚歲哀梁園風雪夜應復憶歸來

贈吳兼山

陳琳工草檄杜牧解談兵舌有戈矛氣胸羅戰伐名淮徐
新幕府楚蜀舊軍營諸將新詩在相期對酒評
兼山往來楚蜀軍營者數年

許菊船刺史將往河上見過卽贈

君向袁江去高軒辱見過有人招玉節從我問黃河瓠子
歌難靖桃花水漸波下遊俱要地行矣莫蹉跎

疏濬原宜早隄防未可無先期審形勢計日集菱蘆改道

休輕議防淮是要圖昔年行役地煙樹隔春燕

呈伊存樸廉訪四首

徠遠馳芳譽綏藩播德輝聲名懷屬國華望重京圻青海

雲千疊金城柳幾圍一從宦江表膏雨頌南畿

公先官理藩院

筦鑰司農佐河渠太史書處膏身不潤籌國用常舒淮浦

三秋雁陵門八月魚祗今望江北猶自憶儲胥

公會筭河庫

陳臬來江左祥刑古爽鳩融和愛春日覆被感冬裘電掃

三千牘風行十一州旬宣應指顧曾領六朝秋

下走菰蘆士浮沉已十年名場空有蹟宦海悵無邊筏渡

終皈佛丹成必遇仙養親恤毛義薇柏兩名賢

君與方伯請以予真

除崇明以格於例不行